

DREJTORIA E PËRGJITHSHME
E METROLOGJISË
Nr. 3436 Prot.
Datë 05.08.2016.



REPUBLIKA E ALBANIËS
MINISTRIA E ZHVILLIMIT
EKONOMIK, TURIZMIT,
TREGTISË DHE SIPËRMARRJES
MINISTRI

UDHËZIM

Nr. 1897/3, datë 3.8.2016

PËR MIRATIMIN E RREGULLORES "PËR KËRKESAT DHE PROCEDURAT E MIRATIMIT, REGJISTRIMIT DHE MONITORIMIT TË SISTEMIT TË KONTROLLIT SASIOR TË PRODHUESVE TË PARAPAKETIMEVE ME SHENJË KONFORMITETI"

Në mbështetje të pikës 4, te nenit 39 të Ligjit nr.9875, datë 14.2.2008 "Për Metrologjinë", të ndryshuar, me propozim të Drejtorisë së Përgjithshme të Metrologjisë, Ministri i Zhvillimit të Ekonomisë, Turizmit, Tregtisë dhe Sipërmarrjes;

UDHËZOJ:

1. Miratimin e Rregullores "Për kërkesat dhe procedurat e miratimit, regjistrimit dhe monitorimit të sistemit të kontrollit sasior të prodhuesve të parapaketimeve me shenjë konformiteti".
2. Kjo rregullore përshkruan:
 - I Kërkesat dhe procedurat për aplikimin, shqyrtimin dhe miratimin e sistemit të kontrollit sasior të prodhuesve të parapaketimeve, e përshkruar në *Pjesën I*, sipas tekstit bashkëlidhur udhëzimit.
 - II Procedura për regjistrimin e prodhuesve të parapaketimeve me shenjë konformiteti të cilët e kanë të miratuar sistemin e tyre të kontrollit sasior, e përshkruar në *Pjesën II*, sipas tekstit bashkëlidhur udhëzimit.
 - III Procedura e monitorimit të sistemit të kontrollit sasior të prodhuesve të parapaketimeve me shenjë konformiteti e përshkruar në *Pjesën III*, sipas tekstit bashkëlidhur udhëzimit.
3. Ngarkohet për zbatimin e këtij Udhëzimi Drejtoria e Përgjithshme e Metrologjisë.

Ky udhëzim hyn në fuqi menjëherë.

MINISTRI
MILVA EKONOMI


RREGULLORE

“PËR KËRKESAT DHE PROCEDURAT E MIRATIMIT, REGJISTRIMIT DHE MONITORIMIT TË SISTEMIT TË KONTROLLIT SASIOR TË PRODHUESVE TË PARAPAKETIMEVE ME SHENJË KONFORMITETI”.

PJESA I

“KËRKESAT DHE PROCEDURAT PËR APLIKIMIN, SHQYRTIMIN DHE MIRATIMIN E SISTEMIT TË KONTROLLIT SASIOR TË PRODHUESVE TË PARAPAKETIMEVE”

Neni 1

Prodhuesi i parapaketimeve që kërkon vendosjen e shenjës së konformitetit, duhet të ngrejë sistemin e tij të kontrollit sasior.

Neni 2

Miratimi i sistemit të kontrollit sasior i jepet prodhuesve në përputhje me Ligjin Nr. 9875, datë 14.2.2008 “Për Metrologjinë”, i ndryshuar, neni 6 i Ligjit Nr. 100/2015 “Për disa ndryshime dhe shtesa në ligjin nr.9875, datë 14.02.208 “Për metrologjinë”, te ndryshuar, dhe akteve nënligjore të dala në zbatim të tij.

Neni 3

Për marrjen e miratimit të sistemit të kontrollit sasior të parapaketimeve prodhuesi duhet të plotësojë këto kushte :

A. Për të demonstruar aftësitë për të marrë përgjegjësi:

1. Të jetë person juridik, provuar me dokumentacionin ligjor përkatës
2. Nuk duhet të jetë në proces gjyqësor ose përmbarimi për çështje që kanë lidhje me aktivitetin
3. Të ketë shlyer detyrimet shtetërore në fushën e tatim- taksave

B. Për të demonstruar kompetencën e nevojshme teknike, prodhuesi duhet të plotësojë kërkesat si vijon:

1. Të identifikojë drejtuesit (personelin) që do të merren me aktivitetin e sistemit të kontrollit sasior të produkteve të parapaketuara.

2. Të ketë personel të aftë, te trajnuar dhe të kualifikuar me njohuri teknike dhe njohuri të përshtatshme për kontrollin statistikor të parapaketimeve.
3. Të njohë dhe të zbatojë aktet ligjore dhe nënligjore për metrologjinë, si dhe Vendimin e Këshillit të Ministrave për parapaketimet e dalë në zbatim të tij.
4. Të njohë dhe të zbatojë kërkesat e kësaj rregullore dhe të gjitha detyrimet dhe të drejtat që rrjedhin prej saj.
5. Të ketë politika dhe procedura të miratuara për trajtimin e ankesave dhe mosmarrëveshjeve.
6. Instrumentet matëse, që do të përdoren për kontrollin e sasisë neto të parapaketimeve, duhet të jenë të përshtatshme dhe të verifikuara/ kalibruara nga organet përkatëse të DPM-së, laboratorët e akredituar, ose laboratorë që kanë deklaruar aftësitë matëse dhe kalibruese në BIPM.
7. Të disponojë dhe të zbatojë metodikën e kontrollit, për të siguruar që parapaketimet e tyre të plotësojnë kërkesat ndaj përmbajtjes neto të produktit.
8. Të dokumentojë dhe të ruajë regjistrimet e kontrolleve të kryera nga ata vetë.
9. Regjistrimet duhet të vërtetojnë kontrollet, së bashku me masat korrigjuese dhe rregullimet që ata kanë bërë.
10. Të disponojë dhe të ruajë një dokumentacion të plotë të kontrollit, i cili duhet të përmbajë:
 - a) Një përshkrim të metodës së kontrollit të përdorur;
 - b) Regjistrimet e matjeve dhe të rezultateve të përpunimit dhe kontrollit;
 - c) Të dhëna për veprimet korrigjuese të ndërmarra nga vetë ata;
 - d) Hollësi të tjera të ndodhura gjatë procesit të ambalazhimit të parapaketimeve.
11. Regjistrimet duhet të mbahen saktësisht, qartësisht, të njëkuptimshme dhe të paanshme.

Neni 4

Procedura për aplikimin, shqyrtimin dhe miratimin e sistemit të kontrollit sasior të prodhuesve të parapaketimeve fillon me plotësimin dhe nënshkrimin nga ana e përfaqësuesit të prodhuesit, të kërkesës sipas modelit bashkëlidhur kësaj Rregullore (Aneksi I.1).

Neni 5

Kërkesa për miratim i drejtohet Drejtorisë së Përgjithshme të Metrologjisë dhe duhet të shoqërohet me dokumentacionin e mëposhtëm:

- a) Dokumentacionin e sistemit të vetëkontrollit, i cili demonstroi plotësimin e kushteve të vëna në pikën 3.
- b) Deklarimin e përfaqësuesve të prodhuesit se një kërkesat, kriteret dhe legjislacionin për metrologjinë.

Neni 6

Struktura përgjegjëse për parapaketimet, fillon procesin e vlerësimit për miratimin e sistemit të kontrollit sasior, pasi ka marrë kërkesën nga prodhuesi i parapaketimeve:

- a) Struktura përgjegjëse për parapaketimet, shqyrton aplikimin dhe vlerëson dokumentet e paraqitura nga prodhuesi i parapaketimeve brenda afatit 20 ditore nga marrja e kërkesës.
- b) Struktura përgjegjëse për parapaketimet kryen vizitën e vlerësimit në ambientet e subjektit. Kjo vizitë bëhet jo më vonë se 30 ditë nga marrja e kërkesës. Gjatë vizitës kontrollohen sesi është ngritur dhe funksionon sistemi i kontrollit sasior, si dhe vërtetësia e të gjithë të dhënave të dërguara paraprakisht nga ana e prodhuesit.

Neni 7

Struktura përgjegjëse për parapaketimet bën menjëherë një raport me rezultatet e kontrollit të prodhuesit, ku të jenë identifikuar të gjitha moskonformitetet për t'u eliminuar, me qëllim plotësimin e gjithë kërkesave të miratimit të sistemit të kontrollit sasior.

Neni 8

Struktura përgjegjëse për parapaketimet fton subjektin prodhues për të komentuar raportin dhe të përshkruajë veprimet specifike të marra, ose të planifikuara për t'u marrë brenda një kohe të përcaktuar, për të rregulluar çdo moskonformitet me kërkesat e miratimit që identifikohen gjatë vlerësimit.

Neni 9

Pasi i gjithë procesi i vlerësimit ka përfunduar dhe është vendosur që aplikanti ka plotësuar të gjitha kërkesat, Drejtori i Përgjithshëm i Metrologjisë nxjerr një Vendim Administrativ "Për miratim ose refuzimin e Sistemit të Kontrollit Sasior të Parapaketimeve" brenda 60 ditëve nga aplikimi.

Neni 10

Formati i miratimit ose refuzimit të miratimit të sistemit të kontrollit sasior të prodhuesve të parapaketimeve miratohet nga Drejtori i Përgjithshëm i Metrologjisë.

Neni 11

Drejtorja e Përgjithshme e Metrologjisë ka të drejtë të pezullojë Vendimin Administrativ “Për dhënien e Miratimit të Sistemit të Kontrollit sasior të prodhuesve të parapaketimeve” nëse konstatohen moskonformitete në treg, dhe kur sistemi i kontrollit sasior nuk mirëmbahet rregullisht.

Neni 12

Drejtorja e Përgjithshme e Metrologjisë miraton sistemin e kontrollit sasior të prodhuesve, jo vetëm kur sistemi i kontrollit sasior është i ri, por edhe kur diçka ndryshon në të.

Neni 13

Tarifa për Miratimin e sistemit të kontrollit sasior të prodhuesve të parapaketimeve është sipas Pasqyrës 5 të Udhëzimit të Përbashkët Nr.2, datë 08.02.2013 “Për tarifatat dhe pagesat e shërbimeve të Drejtorisë së Përgjithshme të Metrologjisë” ndërmjet Ministrisë së Financave dhe Ministrisë Ekonomisë, Tregtisë dhe Energjetikës.

Neni 14

Aneksi i mëposhtëm është plotësimit i kësaj Rregulloreje:

- a) Kërkesa për miratimin e sistemit të kontrollit të sasisë të prodhuesve të parapaketimeve (Aneksi I.1)

**KËRKESË
PËR MIRATIMIN E SISTEMIT TË KONTROLLIT SASIOR TË PRODHUESVE
TË PARAPAKETIMEVE.**

1. Emërtimi dhe adresa e subjektit.....
.....
2. Emri, mbiemri i përfaqësuesit të subjektit
3. NIPT-i
4. Procedurat e vetë sistemit të kontrollit të sasisë neto;

5. Saktësinë e pajisjeve matëse të kontrollit;
6. Procedurat e marrjes së mostrave;
7. Trajtimin e rezultateve të mostrës.
8. Hollësitë e produktit të parapaketuar, qe do markohet me shenjën "c" të konformitetit.
9. Deklaroj se njoh :
 - a. Ligjin Nr. 9875, datë 14.02.2008 "Për Metrologjinë", i ndryshuar
 - b. Rregulloren "Për kërkesat dhe procedurat e miratimit, regjistrimit dhe monitorimit të sistemit të kontrollit sasior të prodhuesve të parapaketimeve me shenje konformiteti"
 - c. Te gjitha aktet nënligjore që i përkasin parapaketimeve.
10. Gjithashtu marr përsipër :
 - a. të respektoj plotësisht rregullat dhe detyrimet që përmbajnë dokumentet e mësipërme
 - b. të bej pagesën e tarifës përkatëse në llogarinë e DPM

Duke pasur parasysh sa më sipër, i parashtroj DPM-së kërkesën për të na dhënë miratimin e sistemit të kontrollit sasior.

SUBJEKTI

Përfaqësuesi

(.....)

PJESA II

PROCEDURA PËR REGJISTRIMIN E PRODHUESVE TË PARAPAKETIMEVE ME SHENJË KONFORMITETI TË CILET E KANË TË MIRATUAR SISTEMIN E TYRE TË KONTROLLIT SASIOR.

Neni 1

Prodhuesit e parapaketimeve, që do të vendosin shenjë konformiteti duhet të aplikojnë për regjistrimin e aktivitetit të tyre pranë Drejtorisë së Përgjithshme të Metrologjisë, pas marrjes së miratimit të sistemit të kontrollit sasior siç parashikohet në nenin 6 të Ligjit Nr. 100/2015 “Për disa ndryshime dhe shtesa në Ligjin nr. 9875 , datë 14.02.2008 “Për Metrologjinë”, të ndryshuar.

Neni 2

Procedura për regjistrimin e prodhuesve të parapaketimeve me shenjë konformiteti fillon me dorëzimin e formularit të regjistrimit në Drejtorinë e Përgjithshme të Metrologjisë sipas aneksit II.1 bashkëlidhur.

Neni 3

Struktura përgjegjëse për parapaketimet, pasi shqyrton formularin e regjistrimit të sjellë nga ana e subjektit, nxjerr certifikatën e regjistrimit për parapaketimet me shenjë konformiteti.

Neni 4

Formati i certifikatës së regjistrimit për parapaketimet me shenjë konformiteti miratohet nga Drejtori i Përgjithshëm i Metrologjisë.

Neni 5

Me marrjen e regjistrimit, prodhuesit i jepet leja për nxjerrjen në treg të parapaketimeve me shenjë shqiptare të konformitetit.

Neni 7

Shenja e konformitetit të parapaketimeve duhet të jetë sipas formës dhe paraqitjes së miratuar në VKM me Nr.1352, date 03.10.2008 “Për Miratimin e Rregullores për Parapaketimet“

Neni 8

Struktura përgjegjëse për parapaketimet mban dhe përditëson regjistrin e prodhuesve sipas një formati të përcaktuar nga Drejtori i Përgjithshëm i Metrologjisë.

Neni 9

Aneksi i mëposhtëm është plotësim i kësaj rregulloreje;

1. “Të dhënat për regjistrimin e prodhuesve të parapaketimeve me shenjë konformiteti” Aneksi II.1.

Aneksi II.1

Të dhënat për regjistrimin e prodhuesve të parapaketimeve me shenjë konformiteti

<i>TË DHENAT E PAKETUESIT</i>	
Emri i kompanisë prodhuese	
Adresa e kompanisë prodhuese	
Adresa postare	
Emri e detyra dhe/ose pozicioni në ndërmarrje i personit të kontaktit	
Numri i telefonit dhe faksit	
Lloji i kompanisë; prodhues	
<i>ARSYEJA PËR KËTË KERKESË</i>	
<i>REGJISTRIMET NË LIDHJE ME PRODUKTIN DHE PROÇESIN E PAKETIMIT</i>	
Përcaktimi i linjës së paketimit	
Produkti	
Emri	
Përbërësit kryesorë	
Karakteristikat fizike, si p.sh. i lëngshëm, i ngrirë, i tharë	
Materiali paketues	
Sasia nominale dhe vlera e synuar	
Procesi i paketimit	
Lloji i makinës paketuese	
Shpejtësia e mbushjes	
<i>VLERESIMI I PARAPAKETIMEVE TË SHËNUARA ME SHENJË KONFORMITETI</i>	
Madhësia e ngarkesës, e cila mund të shprehet prej numrit të paketimeve ose në kohë	
Regjistrimet janë marrë nëpërmjet: - kontrollit 100%, apo - marrjes së mostrave	
Me marrjen e mostrave, duhet të deklarohet madhësia e mostrës dhe numri minimal i mostrave për çdo ngarkesë	
Metoda nëpërmjet të cilës përcaktohet përmbajtja mesatare e paketimeve dhe ndryshimi në përmbajtjen e paketimeve individuale	
<i>PERCAKTIMI I SASISE SE PRODUKTIT NE NJE PARAPAKETIM</i>	

Metoda për përcaktimin e sasisë neto në parapaketimet duhet të deklarohet nëse është prej: - peshës neto ose, - peshës bruto minus tarën individual ose, - peshës bruto minus tarën mesatar ose, - matjes së vëllimit	
Në rast të "peshës bruto minus tarën mesatar" duhet të tregohet gjithashtu sa më poshtë: - përcaktimi i vlerës së tarës mesatar - ndryshimi në tarën e vërtetë - shpeshësia e përcaktimit të tarës	
Nëse një përcaktim i vëllimit mbështetet tek peshimi, duhet të përfshihet metoda e përcaktimit të dendësisë dhe mënyra e konvertimit të peshës në vëllim.	
<i>INSTRUMENTAT MATESE</i>	
Marka dhe lloji	
Qëllimi i përdorimit	
Regjistrimet e verifikimit dhe pllakëza e stampimit	
Për instrumentet e matjes të paverifikuara, në vend të Regjistrimeve të verifikimit dhe pllakëzës së stampimit, duhet të jepet një tregues i saktësisë së pajisjes.	
Mënyra e kontrollit të verifikimit	
Shpeshësia e kontrollit të verifikimit	
<i>TRAJTIMI I PRODUKTEVE DIFEKTOZE</i>	
Çfarë bëhet me një ngarkesë të tillë, përfshirë izolimin e hedhjen dhe sesi administrohen këto veprime kur konstatohen produkte difektoze.	
<i>MBAJTJA E REGJISTRIMEVE</i>	
Në çfarë formati dhe për sa kohë ruhen regjistrimet?	

Administratori i subjektit

PJESA III

“PROCEDURA E MONITORIMIT TË SISTEMIT TË KONTROLLIT SASIOR TË PRODHUESVE TË PARAPAKETIMEVE ME SHENJË KONFORMITETI”

Neni 1

Monitorimi i sistemit të kontrollit sasior të prodhuesve të parapaketimeve bëhet nga Struktura përgjegjëse për parapaketimet 1 (një) herë në vit.

Neni 2

Monitorimi duhet të mbulojë përshtatshmërinë e sistemit të kontrollit sasior, të konfirmojë se ai ishte duke u zbatuar dhe se përshtatshmëria e tij është rishikuar rregullisht. Kjo do të përfshijë:

- etiketimin e produktit,
- saktësinë dhe përshtatshmërinë e pajisjeve dhe nëse ato u mirëmbajtën siç duhet,
- përshtatshmërinë e Regjistrimeve dhe saktësinë e tyre, duke kontrolluar parapaketime nga ngarkesa e duhur
- sasinë në parapaketime.

Neni 3

Drejtori i Përgjithshëm i Metrologjisë cakton me urdhër të brendshëm, punonjësit që do kryejnë monitorimin në subjektin prodhues.

Neni 4

Struktura përgjegjëse për parapaketimet njofton prodhuesin për datën e kryerjes së monitorimit, me qëllim që t'i vihet në dispozicion personeli, regjistrimet dhe ambientet.

Neni 5

Në procesin e monitorimit, kontrolli statistikor kryhet vetëm me instrumentet matës që disponon Drejtoria e Përgjithshme e Metrologjisë. Kontrolli statistikor i parapaketimeve mund të kryhet në laboratorin e parapaketimeve në DPM, ose në ambientin e paketuesit.

Neni 6

Struktura përgjegjëse për parapaketimet, pas përfundimit të procesit të monitorimit, brenda 15 ditëve, përpilon raportin e monitorimit me rezultatet e kontrollit të subjektit.

Neni 7

Raporti i monitorimit përmban të detajuar se si funksionon dhe është mirëmbajtur sistemi sasior i prodhuesit të parapaketimeve, për të vërtetuar përmbushjen e kërkesave në kohën e miratimit të sistemit, si dhe lë detyra apo sugjerime për përmirësimin e mëtejshëm të sistemit. Forma e raportit dhe elementet përbërëse të saj miratohet nga Drejtori i

Përgjithshëm i Metrologjisë.

Neni 8

Një kopje e raportit përfundimtar i monitorimit i dërgohet subjektit të monitoruar, nga Drejtori i Përgjithshëm i Metrologjisë.

Neni 9

Ne rast se, gjatë monitorimit vërtetohet se sistemi i kontrollit sasior i prodhuesit ka degraduar për shkaqe objektive (instrumenteve matëse, mos mbajtja e regjistrimeve) atëherë Drejtori i Përgjithshëm i Metrologjisë tërheq miratimin e sistemit të kontrollit sasior të prodhuesve.

Neni 10

Nëse prodhuesi ka disa linja paketime për produkte të ndryshme dhe nëse gjatë monitorimit vërtetohet se ka moskonformitete për një produkt të caktuar, atëherë Drejtori i Përgjithshëm i Metrologjisë pezullon apo tërheq miratimin e pjesëshëm / plote të sistemit.

Për këtë është e domosdoshme mbajtja e një proces-verbali nga ana e Drejtorisë së Përgjithshme të Metrologjisë, në të cilën evidentohen shkaqet dhe të dhënat për mosfunksionimin e sistemit.

Neni 11

Menjëherë pasi vendimi për tërheqjen e miratimit të sistemit është marrë, Drejtorja e Përgjithshme e Metrologjisë njofton subjektin prodhues.

Neni 12

Subjekti prodhues ka të drejtë që brenda 30 ditëve nga marrja e njoftimit të apelojë kundrejt vendimit të Drejtorit të Përgjithshëm të Metrologjisë, pranë Gjykatës Administrative përkatëse.

Neni 13

Tarifa për Monitorimin e sistemit të kontrollit sasior të prodhuesve të parapaketimeve është sipas Pasqyrës 5 të Udhëzimit të Përbashkët Nr.2, datë 08.02.2013 "Për tarifat dhe pagesat e shërbimeve të Drejtorisë së Përgjithshme të Metrologjisë" ndërmjet Ministrisë së Financave dhe Ministrisë Ekonomisë, Tregtisë dhe Energjetikës.